

25ú Comórtas Printíseach Idirnáisiúnta

Oscailt Fhoirmiúil

Halla na Cathrach Corcaigh

9ú Méan Fomhair 1979

1. CEOL POBAIL
2. MÓR-SHIÚL NA BHFOIRNE
 - Poblacht Cónasctha na Gearmáine
 - An Ostair
 - An Bheilg
 - Korea
 - Taiwan
 - An Spáin
 - Stáit Aontaithe Meirice
 - An Fhrainc
 - An Ollainn
 - An tSeapáin
 - Liechtenstein
 - An Ríocht Aontaithe
 - An Eilbhéis
 - Éire
3. ORÁIDEANNA
 - An Comhairleoir Ró-Onórach S.A. Ó Corra
 - Ard-Mhéara Chorcaí
 - Seán P. Mac Uilliam T.D.,
 - An tAire Oideachais
 - Manuel Valentin-Gamzo y de Cardenas,
 - Uachtarán
 - A.A. Ó hÉalaithe
 - Cathaoirleach
 - Coiste Eagraíochta Náisiúnta na hÉireann
4. AMHRÁN NÁISIÚNTA NA hÉIREANN

Mar Árd-Mhéara ar Chathair Chorcaí is onóir shuntasach dom fáiltiú romhaibh chun na cathrach seo. Fearaim céad míle fáilte romhaibh uilig, préalaid eaglaise, uaisle stáit, baill an chóir taidhleoireachta agus ionadaithe cumann, ach go speisialta fearaim fáilte roimh na buíonta printíseach, a gceannairí, a n-oifigigh, a saineolaithe agus a mbreathnadóirí, a bhfuil turasanna fada curtha díobh acu d'fhonn a bheith anseo chun páirt a ghlacadh san 25ú Comórtas Printíseach Idirnáisiúnta.

Is cathair ársa í an chathair seo, a théann siar chomh fada leis an seachtú aois nuair a bhunaigh Fionnbarra Naofa a eaglais anseo. Níos deireanaí, san níos aois bhunaigh na Danair agus na Lochlannaigh láithreacha gnó a chuir tús le tráchtáil agus trádáil na cathrach. Daoine muinteartha iad na Corcaigh ata bródúil as a dtraidisiúin agus as an sliocht ón ar shíolraigh siad agus táim-se cinnte de go ndéanfaidh siad gach ar féidir leo chun bhúr gcualt a dhéanamh taitneamhach. Is álainn í an tuath atá leasmuigh den chathair, go háirithe i dtreo an iarthair agus creidim go bhfaighidh sibh deis le linn bhúr gcualt roinnt den áilleacht san a fheiscint agus a bhlaiseadh.

Ta stór eolaíochta an duine ag fás i gcónaí agus caithfidh oideachas de ghach sórt agus ar ghach leibhéal é seo a aithint. Sé croí na faidhbe atá le réiteach ná go bhfuil níos mó daoine óga ann anois le múineadh agus níos mó eolais le múineadh dóibh ná mar bhi riamh cheana. Ni haon eisceacht í oideachas do na ceirdeanna ceardaíochta. Anseo i gCorcaigh glacaimid leis an gComórtas Printíseach Idirnáisiúnta mar áis athnuachana agus mar thaca, nach beag, sa ghno dúshlánach atá i gcónaí ann, ár módhanna agus ár nósanna oibre a neartú agus ar gcaighdeán a shainmhíniú.

Amárach cuirfear tús le hobair na gcomórtaisí agus tá sé intuigthe go mbeadh sibhse na printísigh a bheidh ag glacadh páirt, ábhairín eaglach i dtaobh a bhfuil romhaibh. Guím rath agus toradh fóna ar shaothar an uile dhuine agaibh agus tá súil agam gur de bharr aigne shuaimhneach, súil ghéar agus lámh stuama, ach thar aon ní eile ar mhaithe le cáil a thuilleamh dod' thír, dod' mhuintir and duit fein trí do cheird, a thiocfaidh an toradh san.

Go raibh maith agaibh.

ÓRAID AN AIRE OIDEACHAIS, SEÁN P. MAC UILLIAM, UAS. T.D.,

AG OSCAILT OIFIGIÚIL AN CHUIGIÚ SRAITH IS FICHE DE

NA COMÓRTAIS PRINTÍSEACH IDIRNÁISIÚNTA

I HALLA NA CATHRACH, CORCAIGH, DÉ DOMHNAIGH, 9 MEÁN FOMHAIR

1979

Ni furasta dom a chur in iúl cad é mar phléisiúr agus mar mhórtas a thugann sé dom a fhógairt go bhfuil an Cuigiú Sraith agus Fiche de na Comórtais Printíseach Idirnáisiúnta ar oscailt. Abhar taitnime dom é go príomha de bharr go bhfuil an deis agam fáilte a chur roimh an oiread sin daoine as an oiread sin tiortha éagsúla go dtí na críocha seo againne.

Is onóir agus is ábhar taitnime dúinn é, a Uachtarán Gamazo, fáilte a chur romhatsa agus roimh do Choiste Idirnáisiúnta, fáiltiú roimh na saineolaithe, na treoiraithe fóirne agus na breathnadóirí oifigiúla, fáiltiú freisin roimh na haíonna iomadúla ó thiortha thar lear agus ó na críocha sa bhaile a mealladh anseo i ngeall ar a spéis sna comórtais, pé acu an spéis sin a bheith pearsanta nó gairmiúil. Thar aon rud eile fearaim fáilte roimh na ceardaithe óga atá anseo d'fhonn a gcuid scileanna agus a neolas a thaispeáint dá chéile agus don domhan fré chéile, d'fhonn na scileanna sin a chur i ngníomh i gcomórtas atá oscailte agus dian, d'fhonn a léiriú cad is féidir a dhéanamh, cén sprioc is féidir a bhaint amach nuair atá caighdeáin arda agus barr feabhais i gceist agus d'fhonn ceannlíne a chur ar fáil thar raon ceirdeanna, a bhféadfaimid ár spriocanna agus ár n-uaimhianta a thomhas dá réir.

Is é mo ghúí go mbainfidh sibh aoibhneas agus sásmh as an tamall a fhanfaidh sibh in Éirinn agus i gCorcaigh agus gur fada ina dhiaidh a fhanfaidh a chuimhne agaibh.

/.....

Rud nach lú a thugann taitneamh dom is ea a mheid a thaispeáin an comórtas seo cad é mar spéis atá sa phrintíseach ag mórán leibhéal shoisialta an phobail. Anseo inár measc ag an searmannas oifigiúil chun fáilte a chur romhaibh agus chun aitheantas a thabhairt do ghradam na gcomórtas, tá ionadaithe Eaglaise agus Stáit, ionadaithe na gCór Taidhleoireachta atá creidiúnaithe don rialtas anseo, mar aon le hionadaithe ón saol poiblí agus cathartha, ó ghníomhaireachtaí oideachais, oiliúna agus fostaíochta, ó ghnólaigh tionsclaíochta agus tráchtála, ó cheardchumann agus ó chullachtaí gairmiúla.

I dtaca le forleiththeadúlacht na spéise seo sa phrintíseacht, sin é an chomhartha is soiléire amuigh gur páirtíocht í an phrintíseacht a bhfuil mórán comhlúadar, gníomhaireachtaí agus eagraíochtaí fite fuaite sna céimeanna agus na cuspóirí éagsúla, iad uilig go han-dáiríre mar gheall ar a bhfeidhmeanna féin, mar tuigeann siad go ri-mhaith cad é mar thábhacht atá sa phrintíseacht, ní amháin do na printísigh óga féin ach freisin do leas eacnamaíoch agus soisialta ár dtíre. An rud atá fíor in Éirinn maidir leis seo, tá sé fíor in bhor dtíortha go léir. Do léiríodh an spéis seo freisin sa tacaíocht ghníomhach a tugadh sa bhaile agus i gcéin don Choiste Eagraithe Náisiúnta le linn doibh a bheith ag ullmhú do na cómórtais seo.

Is é an bunchuspóir atá ag oideachas agus oiliúint na bprintíseach ná ceardaithe a chur ar fáil, ar an mbealach céanna agus gurb é bunchuspóir na gcomórtas seo ná foirfeacht agus ard-chaighdeán ceardaíochta a chur ar taispeáint. Tuairiscítear dúinn gurb é atá sa cheardaíocht ná múnla ábhar go foirfe ar mhaithe leis an áisiúlacht nó leis an áilleacht. Sa chiall seo is féidir linne in Éirinn a mhaíomh gur ceann de na tradisiúin is ársa san oileán seo an cheardaíocht, agus is ceann de na traidisiúin í is mó a bhfuilimid bródúil aisti. Thosaigh an obair mhiotail mar shampla geall le ceithre mhíle bliain ó shin in Éirinn; agus do bhláthaigh tionscal in ór agus i gcré-umha sa tír seo i bhfad sular shroich na Ceiltigh í. Maidir leis na Ceiltigh féin, thugadar leo ón Mór-Roinn taithí cheardaíochta a bhí saibhir agus ilghnéitheach mar aon le caighdeán críochnúlachta san obair mhiotail nach raibh a sháru le fáil go dtí sin i dTuaisceart na hEorpa.

Do léirigh an stair ealaíonta a ghabh leo go raibh siad in ann glacadh leis an spreagadh a bhí ar fáil ó thionchair lasmuigh, go raibh siad ábalta na gnéithe a b'fhearr a shú isteach o shibhialtachtaí eile agus fí a dhéanamh orthu go dtí go raibh siad mar uige nua. Sa saol anallód d'eascraigh na tosca spreagtha as ionradh agus áitriú. Sa nua-shaol tá an cuspóir céanna, beagnach á chur i gcrích ag caidreamh agus comórtas idirnáisiúnta.

I saol soisialta na gCeilteach ba bhaill d'aicme onóraithe agus pribhléidithe na ceardaithe, "an t-aes dána" a tugadh orthu in Eirinn. Breathnaíodh ar an gceardaíocht adhmaid, miotail nó cloiche faoi mar bheadh saghas filíochta ábhartha ann, díreach faoi mar breathnaíodh ar an bhfilíocht féin mar cheardaíocht i bhfocail. Bhí an meas ceart ar an bhfiúntas ag sean-sibhialacht na nGael! I bhfírinne caithfidh gurb é siúd an tráth ba bhreátha d'ár stair - Ré Órga i gceart é nuair tharla comhcheangal idir an Chríostaíocht, tionchair eachtracha cultúrtha agus teicneolaíochta agus traidisiúin ealaíne na muintire chun an bláthú iomráiteach in Ealaín agus Ceardaíocht na hÉireann a thosaigh sa seachtú céad A.D. a fhorbairt ar luas a bhí cosúil le míorbhúilt. Léiríonn Dealg na Teamhrach, - agus ba chúil mar roghnaíodh é chun a bheith ina bhunsmaoineamh do bhonn an chomórtais seo - léiríonn sé cé chomh casta, chomh mín agus fós chomh fineálta a bhí obair cheardaíochta na linne sin. Ní raibh sa Ré Órga seo, más maith leat, ach meandar i stair na tíre ach ba thréimhse é a d'fhág rian a mhair ó aois go haois. Tá omós i gcónaí againn don gceardaíocht dá bharr. Bhí bhur Réanna Órga agaibh go léir agus fuair sibh iontu na traidisiúin, na préamhacha agus inspioráid a spreagann sinn go léir fré cheile chun caighdeáin foirfeachta a aimsiú i scileanna ceardula.

Ach tá athrú saoil ann ón Ré Órga sin! Cé go bhfuil mórán de na sean-scileanna inár measc go fóill, ta scileanna nua thart timpeall orainn a bhfuil codanna díobh ag braith ar an dearthóireacht, codanna ar eolas teicniúil agus codanna ar ábaltacht theicneolaíoch.

/.....

Is féidir i gcónaí d'oilteacht an cheardai siansa a mhúnlú as an gcloch nó píosa niamhrach seodóireachta a chur ar fáil. Ach is féidir freisin gurb é an toradh a bheadh ar an oilteacht chéanna ná páirt bhunásach de mheaisín il-chasta, nó cuid riachtanach de chóras cumarsáide nó fuinnimh a mhúnlú. Na ceirdeanna sin ata dírithe ar tháirgí faoi leith a chur ar fáil, tá siad eagraithe go minic i bhfoirmeacha éagsúla atá níos speisialta agus níos idirdhealaithe go mór, ach maidir leis na ceirdeanna ata dírithe ar sheirbhísi a chuidíonn le hinill agus córais a fheidhmiú, ar sheirbhísi a sholáthraíonn na háiseanna casta iomadúla a nglacaimid leo mar chuid den nós beatha nua-aoiseach, tá siad san ag fás agus ag dul i líonmhaire.

Cuireann ré na teicneolaíochta dúshlán in éadan na ceardaíochta i ngeall ar an gcaoi a théann scileanna agus eolas as feidhm go tapaidh in ainneoin tamall fada a bheith caite á bhfoghlaim go duamhar, i ngeall ar gan gá a bheith níos mó le scileanna i dtaca le feidhmeanna áirithe a mbreathnófai orthu riamh mar dhia beag i gceird faoi leith, i ngeall ar scileanna nua a theacht i dtreis agus a thuilleadh á n-athru ó bhonn, i ngeall ar ábhair nua, próiseanna nua agus bealaigh oibre nua a bheith á gcur in úsáid. Toscaí iad seo a rachaidh i gcionn orainn go léir, mar ata, seirbhísiú bheith á dhéanamh faoi stiúir an "bhosca dhuibh" agus deireadh le fáthmheas agus deisiúchán, próiseanna táirgíochta á ndéanamh faoi stiúir an ríomhaire, an tíobhas a bhaineann le hearraí nua tomhaltóra á cheannach in ionad cothabháil a dhéanamh ar an sean chinn - ach maidir leis an bhfear ceirde rachaidh na tosca i gcionn go tromchúiseach. Tráth a bhfeictear dúinn go bhfuil cúrsaí an tsaoil ag dul i bhfeabhas, níl aoinne in aithreas faoin bpróiseas táirgíochta a fhágann an tnúth sinn go mbeimid go léir ar mhuintir na nuice i ndeireadh na dála - chomh fada agus bhaineann le rudaí saolta, pé scéal é. Ar bhealach tá Ré Órga comh dhaonnach á lorg againn.

Is cuí anseo go mbreathnóimis ar an tslí a dtéann na tosca sin i bhfeidhm orainn agus go bhfiafróimis cén fath go ngníomhaímid sa chaoi a ndeinimid nuair atá oideachas, oiliúint agus polasaithe fostaíochta á mbeartu againn do cheardaithe óga. I dtús báire bhítheas den tuairim gur sa speisialtóireacht bhreise a bhí freagra na ceiste, agus admhaítear go bhfuil san riachtanach i réimsi airithe, ach tríd is tríd bhi de mhí-bhuntaiste ann go raibh an téarma gearr agus gur lean fadhbanna iomarcaíochta agus ath-thraeneála é.

I dteannta leis na cineálacha seo speisialtóireachta tháinig neamh-fhonn ar lucht fiontraíochta dul ar aghaidh le hoiliúint fhad-teármach, rud a d'fhág níos mó freagrachta ar an údarás poiblí, ionas gur cuireadh mí-threoir ar an bhaint a bhí ag an bprintíseach leis an bhfear ceirde agus gur athraíodh go mór nádúr an phróiseas foghlama sa cheardaíocht. Ba mhinic a rinneadh iarrachtaí ar na fadhbanna a d'eirigh as an speisialtóireacht iomarcach a fhuascailt trí scrúdú a dhéanamh ar thosca a bhaineann le malartú postanna, tríd an mbun-traenáil tosaigh a leathnú, trí scileanna so-aistrithe a lorg, trí mhuiríneacha scileanna nó scileanna comh-ghaolmhara a chur ar fáil, nó trí thraenáil mhodúlach nó ath-thraenáil tréimhseach. I dteannta leo seo rinneadh imeascadh níos treise idir an oiliúint agus an t-oideachas de bharr gur tuigeadh níos soiléire, da dtabharfaí oideachas ginearálta níos leithne agus é bunaithe ar an eolaíocht, chomh maith le béim níos treise a bheith ar an teicneolaíocht a ghabhann leis an gceird, go mbronnfadh san ábaltacht ar an gceardaí ar ball chun deileáil le hathruithe, agus ní amháin sin ach go ndéanfaí páirtí agus cúntóir de i bpróiseanna innhianaithe tionscnaimh. Feictear freisin gur comhpháirt an t-imeascadh seo de na beartais a cheaptar chun deiseanna a sholáthar le comh-ionannas a bhaint amach, beartais ina mbíonn tábhacht nach beag ag an oideachas sna córais shoisialta seo againne.

Is e an glan-toradh atá ar na claonta seo, mar sin féin, gur aistríodh níos mó de thraenáil an phrintísigh go dtí suíomh atá deighilte amachón obair, in institiúidí, áit inar deacair an spreagadh agus an dúshlán a sholáthar atá riachtanach nuair atáthar ag foghlaim tríd an obair agus le linn na hoibre. D'fhéadfaí a rá freisin, go bhfuil a bheag nó a mhór den bhfrithghníomhaíocht ag gabháil le líonmór de na hathruithe seo agus go loirgímid iontu saghas éigin soiléireachta, nó fealsúnacht éigin a thabharfaidh léas eolais do na hoideachasóirí agus na traenáilaithe, agus a rachaidh i bhfeidhm chomh mór sin ar an bprintíseach go soláthrófar an spreagadh agus an fuinneamh áirithe sin ionas go mothóidh sé go bhfuil sé páirteach agus lán dúthrachta, rud a bhrostóidh é chun foghlama ar bhealach sásúil.

/.....

I bhfrithchosúlacht, an fhad is a fheicimid printísigh ag caitheamh níos mó agus níos mó dá gcuid ama i scoileanna agus in institiúidí oiliúna tá oideachasóirí ag éirí níos buartha mar gheall ar an aistriú o shaol na scoile go saol na hoibre. Cé mhéid den mbuairt seo a éiríonn i ngeall ar chomh mór is atá na córais oideachais agus eacnamaíocht fásta amach óna chéile? Cad iad na bearta ata riachtanach chun iad a stiuradh níos gaire dá chéile i leanúnacas agus i gcomh-thuiscint? Ceisteanna iad sin a chuireann díospóireacht agus cur-is-cúiteamh ar bun i gcuid mhór dar dtíortha. Ach rud fíor is ea é freisin go bhfuil na beartais atá againn chun fadhb an aistrithe a réiteach ag braith go hiomlán beagnach, ar dhroichid a thógáil idir an scoil agus an obair, ar thaithí ar an obair a sholáthar ar mhodh pleanálta, agus é sin ina chuid imeasctha dena cursaí sna blianta deireanacha den scolaíocht. B'fheidir nach bhfuil frith-chosúlacht ansin!

B'fheidir gurb é atá á fheiscint againn ná cothromaíocht nua ag teacht ar aghaidh atá déanta suas de scoth an oideachais agus an scoth den taithí ar obair; faoi mar bheadh coincheap na printíseachta á mhúnlú ar bhealach éigin chun uilíochta, agus an t-athrú seo á chur i ngníomh maidir le líon dar ndaoine óga atá ag dul in iomadúlacht de réir a chéile.

Seo sinn anseo anois, nuair atá an cúigiú comórtas idirnáisiúnta printíseach agus fiche ag tosú, tráth a bhfuil dúshlán throma ag féachaint san éadan ar bheartais maidir le printíseacht, maidir le ceardaíocht agus maidir le nádúr na hoibre agus na táirgíochta. Tráth is ea é chun ceisteanna bunúsacha a chur faoi cad é bun agus barr na printíseachta agus na ceardaíochta. Tráth is ea é freisin nuair theastóidh ó mhórán daoine aimhreas a chaitheamh agus ceistiúchan a dhéanamh faoi na foshuímh bhunata ata mar bhonn ag na hathruithe meara a tharla le blianta beaga anuas. Bíodh go bhfuilimid ag maireachtaíl i gCruinne ata neamhtheoranta is an-teoranta í an chuid de inar bhfuil cónaí orainn agus cumas rialaithe againn. Cuireadh abhaile an fhírinne seo i mórán dar dtíortha le déanaí nuair fuaireamar léiriú mí-thaitneamhach go raibh teorannú i ndán d'ábhar fuinnimh a bhí saor agus éasca a aimsiú. Seans maith gurb é atá i ndán dúinn ná dúshlán chun maolú a dhéanamh ar ár rabairne in úsáid ár n-acmhainní teoranta. Agus bímis dearfa gur dúshlán é seo

/.....

freisin don cheardaíocht, an dúshlán bunseasmhach chun ábhair a mhúnlú ar son cuspóir na háisiúlachta, ach é sin a dhéanamh ar bhealach a chaomhnóidh ár n-acmhainní teoranta fuinnimh agus ábhair, ar bhealach go gcoimeádfar, go nathrófar agus go n-ath chúrsálfar na hábhair táirgíochta in ionad iad a scaoileadh amach ag truailliú ár dtimpeallachta. I gcás mar seo, nár chóir dúinn treisiú lenár mórtas as an gceardaíocht, brat atá á choimeád ar foluain ag na comórtais seo i rith blianta na mear-athruithe - agus an caitheamh indiaidh na hailleachta, rud a thugann an oiread taitnime don té a cheapann is a thugann don té a ghlacann?

Táimid anseo dá bhrí sin, dar liom, de bharr go gcreidimid gur dual do scileanna ceardaíochta iad a onórú agus a mholadh os ard. Táimid anseo de bharr gur príomh-chúram againn go léir é go n-ullmhóimis ár ndaoine óga chomh maith agus ab fheidir linn i gcomhair dúshláin an ama atá rompu agus de bharr go bhfuilimid dearfa gur modh cumasach agus fiúntach í an phrintíseacht chun an chuspóir sin a chur i gcrích. Táimid anseo de bharr gurb é ár ndóchas gur féidir linn ár gcion fein a dhéanamh chun a shaol a fheabhsu do chách de thoradh maístreacht a fháil agus a choinneáil ar na scileanna agus na teicnící iomadúla atá riachtanach chun maireachtáil go slán agus treabhadh chun cinnt sa saol nua-aimsire, agus an maístreacht sin a roinnt go fial ar a chéile. Táimid anseo de bharr go bhfuilimid cinnte, má dheinimid forbairt ar scileanna agus ar bhuanna ár ndaoine óga gur féidir linn cuspóir comónta a bhaint amach marchomh-ghuallaithe agus mar chomh oibrithe chun cath a fhógairt ar bhochtanas agus ar ghalair, ar ghátar, aineolas, ainnise agus éadóchas. Táim cinnte go bhfuil mórán de na smaointe seo in ár n-aighe ar an ócáid shollúnta seo, smaointe a fhágann sa gcúlraid naisiúntacht agus comórtas, smaointe a stiúraíonn ár ngníomhartha go fiosach le linn gníomhaíochta ina bhfeicfear buaiteoirí is dócha, ach nach dtarlóidh cailliúnaithe ar bith.

/.....

Ardóidh cuid acu an chraobh leo, maille le mór-mholadh, agus a chonách sin orthu. Ach bheárfaidh siad go léir leo eolas, agus tuiscint agus comrádaíocht, agus cuimhne ar eachtra a rabhadar páirteach ann, a mbeidh tionchar buan seasmhach i bhfad agus i gcéin acu ar mhóran daoine i móran áiteanna ar domhan.

Agus dá bhrí sin beidh cupla céim eile tógtha ag an Eagraíocht Idirnáisiúnta chun Gairmoideachas agus Oiliúint a threisiú i dtreo a cuspoiri a thabhairt chun críche agus í ag gluaiseacht ar aghaidh go dtí a Ré Órga féin. Sa chomhthéacs seo, a Chathaoirligh, is ea atá sé d'onóir agam a fhógairt go bhfuil an cúigiú sraith agus fiche de na Comórtais Idirnáisiúnta Printíseach ar oscailt.

Fáiltiú Uachtaráin na Comhdhála

Céad fáilte roimh Oilimpiad na teicníochta agus na hoibre arís. Thar ceann Comhdháil Ball ár nEagraíochta, a bhronn an onóir ormsa bheith i gceannas an chruinnithe seo fearaim fáilte croiúil roimh ghach uile dhuine atá páirteach ins an chomortas neamhghnách seo, an 25ú Comórtas Idirnáisiúnta. Fáiltím go speisialta roimh na hiomathoiri óga atá tar éis teacht anseo ó ghach uile aird den domhan chun bhúr nachmhainn teicniula agus bhúr mian chun chomhoibriú agus maireachtain le chéile a theasbáint.

Ba mhaith liom béim a chur ar bhrí speisialta ár dteagmhála i 1979. Inniu buaic chúrsa fhadálach oibre agus comhoibriú a thosnaigh triocho bliain ó shin idir dhá thír Eorpach agus atá anois ag tabhairt caoi dúinn ár 25ú leagan den Oilimpiad a reachtáil le díograis. Tá ionadaithe mór-reanna éagsúla linn, toscairí teicniúla, saineolaithe agus daoine óga go bhfuil de chuspóir acu maireachtain le chéile agus fónamh dá chéile, biodh go bhfuilid ag labhairt teangacha éagsúla.

Ní féidir liom a rá go bhfuil uimhreacha agus dátaí draíochta ann mar go bhfuilim cinnte de go bhfuilimid tar éis na díograise agus na suime céanna a chur i ngach comórtas go nuige seo. Do ghach tír a reachtáil na comórtaisí, thugamar forbairt teicniuil. sonas don aos óg agus ár nguí seasmhach ar son síochána agus tuisciona ar fud an domhain. Ach neamhchosúil le nithe beo eile, ta treith neamhchoitianta staire i neacha daonna mar go bhfuil eolas acu ar na nithe ata thart agus ar na nithe a d'fhéadfadh tairlú sa todhchaí. An ní atá thart ní hamhlaidh go ndéantar cloch fhuar de ach cosúil le síolta a chaitear ar thalamh thortúil, frithghníomhaíonn sé agus le hiarrachtaí gan traochadh gach aoinne, tagann sé i mbláth a thoraidh.

Os rud é go bhfuil ár nIúbhaile cúig mbliana fichead sroiste againn ciallaíonn sé go bhfuil cuidiú tábhachtach neartaithe againn i stair an chultúir agus na sibhialtachta mar ní féidir pobal saor nua aimseartha a bhunú ach amháin ar bhonn cruthaithe daonnaí in iomlán de dhaoine óga. Sa tslí san tugtar leanúnachas do luacha ar a bhfuil saol sóisialta ó ghlún go glún bunaithe agus baintear amach breis saoirse agus cearta.

Nil aon dabht ann ná gur thuigh bunaitheoirí an chumainn bhreá seo, an Comórtas Idirnáisiúnta, na deacrachtaí a bhí le sárú agus tá sé fíor go raibh tráthanna ann go rabhadaridir dhá chomhairle. Coinníollacha teicniúla ba chúis. sé is dóichí, leis na deacrachtaí seo ach bhí cúis mhaith eile leis im' thuairimse agus bé sin an easpa tuisciona a theasbáin an chuid daoine nach raibh an spiorad mórchróíoch ceanna acu agus nach raibh chomh fad-hreathnach leis na bunaitheoirí céanna. Ach isé lomchlar na fírinne ná go bhfuairamar tacaíocht ins na tíortha go léir in a raibh ár gcomórtaisí ós na hIonadaithe Stait ab aoirde ós na Rialtaisí, ós na hAireachtaí agus na Cumainn Poiblí a bhí freagarthach as oideachas agus saothar. Tá fhios agam go ndeachaigh na Ceard Chomórtaisí Oiliúna i bhfeidhm go mór i gcónaí ar na tíortha seo ó thaobh foirfeachta dáiríreachta agus éifeachta de agus is de bharr na cúise seo a deirim gur cóir, dóibh siúd go léir go bhfuil cuid mhor dá saoil caite go dúthrachtach acu ar an obair seo, a bheith sásta agus bródúil as a niarrachtaí.

Ainneoin dul chun chinn na heolaíochta agus na teicneolaíochta i rith na mblianta san go léir agus ainneoin athraithe mhóra pholaitiúla agus shóisialta agus fiú amháin ainneoin anthaithe eachnamaíochta doimhne i dtíortha forbartha agus ncamhfhorbartha - ainneoin iad san go léir - maireann na comórtaisí agus bhíomar in ann, muid féin a chur in oiriúint do ghach tosca, ba chuma cé chomh athraithe no curtha i dtoll a chéile a bhí sé agus ag an am céanna cuidiú le caomhnadh slitebeatha ealaíonta agus láimhe.

Anois, gan trácht in aon chor ar an mbeart sásúil, ár 25ú comórtas a reachtáil, cuireann sé áthas ar leith orainn an comórtas a reachtáil in Éirinn. Nil aon deacracht agam éad na dtíortha eile athuisceint mar is le Coiste Náisiúnta na hÉireann a bhí an tadh ár nIúbhaile cúig mbliana fichead a cheiliúradh ins an tír álainn seo. Ach is féidir linn comhgháirdeas a dheanamh linn fein as ucht a bheith sa tír grách seo arís. Tuigimid go léir go maith na deachachtaí uafásacha a bhí ag Coiste na hÉireann ag déanamh socraithe dúinn ach táimid cinnte de gur féidir brath aréifeacht ár gcáirde anseo in Éirinn agus go mbeidh árd-teasbáinteas againn am mhí seo, Meán Fomhair 1979.

Is mian liom beannú do chathair álainn Chorcaí atá tar éis fíor-chaoin fháilte a fhearradh romhainn. Is mian liom freisin buíochas ar nEagraíochta Idirnáisiúnta a chur in iúl roimh-ré d'Udaráis Stáit na hÉireann atá tar éis tacaíocht a thabhairt do Choiste Náisiúnta na hÉireann in eagrú ar 25ú Comórtas Idirnáisiúnta, rud a theasbáineann arís an comhoibriú seasmhach atá tugtha le roinnt mhaith bliain anois ag Rialtas na hÉireann do na comórtaisí.

Faoi dheireadh, ba mhaith liom a chur i gcuimhne do na h'iomathoirí óga go léir anseo gur cóir don Oilimpiad uaisleacht, comhoibriú agus muintearas a chrothú. Le linn na gceithre nOilimpiad is fiche atá thart d'iompar daoine óga mar sibh féin tóirse na díograise agus spiorad na tuisciona le linn dóibh a scileanna a theasbáint. Na laethe atá díreach romhainn beidh siad deacair agus dúshlánach ach i ndeireadh báire. beimid in ann a rá gur buathóirí muid uilig mar gur imríomar an cluiche go spóirtiúil, agus gur chuireamar i dtalamh ársa na hÉireann na mílte uaire de shaothar shona óigeanta fhlaithiúil.

Teachtaireacht ó Chathaoirleach an Choiste
Eagraithe den Chuig is Fichiú Comórtas
Printíseachta Idirnáisiúnta

Thar ceann an Choiste Eagraithe den Chuig is Fichiú Comórtas seo ba mhaith liom a bheith páirteach leis an Ard Mhéara ag fáiltiú róimh uile anso inniu. Is mór an tógáil croí é an oiread san náisiún a fheiscint ag glacadh páirt lena foirme fear is ban óg atá cruinnithe le chéile ar an stáitse seo, agus tá mé cinnte gur ócáid bhróduil dóibh e. D'fhéadfaí a radh go bhfuil tíortha ó gach aird den domhan páirteach anso, ón tSeapáin san oirthear go dtí na Stáit Aontaithe san iarthar. Is geal liom gur shroich sibh uile ceannchúrsa anso go slán sábháilte agus tá súil agam go mbainfidh sibh leas oideachasuil as bhur dturas go Corcaigh ó thaobh taithí in obair an chomórtais agus in bhur bhforbairt phearsanta tré theagmháil leis an oiread san daoine eile ag a bhfuil comhscileanna agus comhdhearcadh.

Ba mhór an onóir é gur iarr an tAire Oideachais ar Choiste Gairm Oideachais Chathair Chorcaí an cúig is fichiú Comórtas Printíseachta Idirnáisiúnta a eagrú. Is i seo an dara ócáid ina bhfuil an comórtas á reachtail sa tír seo, is i mBaile Átha Cliath a bhí an chéad ceann sa bhliain 1963.

Thosnuigh an Coiste Eagraithe ar a chuid oibre breis is bliain ó shin ag déanamh na hullmhúchain cuí do reachtail na gcomórtas. Is é Colaíste Teicniúil Réigiúnda Chorcaí lár-ionad na gcomórtas agus is mór an méid oibre atá curtha isteach ag déanamh na hathruithe riachtanacha i gcas go mbeadh sárchaighdeán ar fáil do sna triaileacha ceirde éagsúla. Tá an Coiste Eagraithe faoi chomaoin ag an Roinn Oideachais, ag foireann an Cholaíste agus ag a lán eile de bharr na sáriarrachtaí iomholta a dhéanadar chun a dheimhniú ná dearmadfaí an comórtas seo go fuiriste.

Tuagann na comórtais seo seans do dhaoine óga a bhfuil suim dúthrachtach acu i scil faoi leith a gcuid eolais agus ábaltachta a mheas ag leibhéal idirnáisiúnta. Is mór an leas atá tagtha agus a leanfaidh ag teacht as an ócáid seo. Ach braitheann foirfeacht an fheachtais iomlán ar suim na bprintíseach nóg, agus in ainneoin athruithe agus forbairt tapa atá tagtha ar teicníocht agus teicneolaíocht scil le déanaí is mór an sásamh é leanúnachas i suim agus i dtraidisiún chomh láidir a thabhairt faoi deara in an oiread san tír i gcuid de ghníomhachtaí ársa an duine atá ag déanamh earraí atá úsáideach agus áluinn as ábhair nadúrtha.

Tugaimid faoi deara freisin athbheochaint suime i gceardaiócht agus i dtairgi cheardaithe go háirithe imeasc óige an lae inniu a thugann tús aite go minic do ornáidí lámhdhéanta ar nós earraí photaireacht lámhdhéanta, criadóireacht nó shoíodóireacht adhmaid agus obair leathair, gan ach iad so amháin a lua.

Is mór i suile lucht déantusaíochta agus tráchtála e an comórtas a bheith a reachtail i gCorcaigh mar gur tábhachtach an ócaid í don tír agus go háirithe don dúthaigh máguaird. Is mór an fhorbairt tionsclaíochta atá anso faoi lathair agus tá mé cinnte de go dtabharfaidh ár gcuairteoirí ó thíortha eile faoi deara tábhacht agus poiteinseal réigiún Chorcaí le linn a gcuid ama anso.

Guím gach rath ar na printísigh go bhfuil a n-iarrachtaí ag tosú amárach. Is iomdha mí atá caite agaibh ag ullmhú don ócaid seo, agus cé go ndeirtear go bhfuil foireann ag gach tír is duine daonna gach ball den bhfoireann sin atá freagrach dá cheird faoi leith. Déanadh gach mac máthar agus iníon athar agaibh bhur seacht ndícheall le hiarracht macánta a dhéanamh. Nil súil ag éinne le níos mó ná san.

Ta clár de ócáidí soisialta agus de thurasanna leagtha amach díbh agus tá súil agam go mbainfidh sibh taitneamh asta so agus go mbeidh aithne níos fearr agaibh orainn dá mbarr. D'fhéadfadh sé a thárlu go dtiocfadh sibh arais uair éigin níos déanaí ar laetheanta saoire agus beidh áthas orainn sibh a fheiscint ag filleadh go nÉirinn.

Arís, guím gach rath agus séan oraibh le linn bhur dtréimhse i gCorcaigh.

Go raibh maith agaibh.